

ЛҰИМА СЭРИПОС

26 сентября
2019 года
№18
(1204)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Хальүс район Ягрим павылт ялпың хотал ылыс. Тот «Ягрим-павыл» нампә ұшлахтын кан вәрвес. Ты кастыл район кұшай Владимир Фомин тув ёхталас. Тән Тамара Грудо, Ягрим павыл кұшай нә, ёт выгыр тёрсәлм киттыг-яктыматән порат пәслуесыг. Ты ялпың хотал урыл 10 ләпсыт ловиньтән.

Ты
номерт
ЛОВИНЬТӘН:

Няврамың
щәмьят
ёмщакв
нәтавет

2

Хұлыт
янмалтан
рұпата
урыл

5

Лёккарыг
рұпитаңкве
хот-әти рөви

7

Ўльпат
ўнттуңкв
ләввёсыт

11

Пёс йис
тэлат
номавет

14-15

ЛҮҮХХАЛЫТ

Няврамың щёмыят ёмщакв нётавет

Туи ўшлахтаманыл юи-палт округ Дума депутатанув акван-атхатыгласыт ос яныг сапранит савсыр маңытныл атхатам олныт ләккв-уртсаныл, ты яныгщ организацият нәлок-олн ойтсыт, тувыл ты олныт атвёсыт. Тән ань савсыр программатын мивет.

Бюджет-олныт

Андрей Филатов, олныт ловиньтан комитетыт рупитан депутат, лавыс: «Савыңпалэ олныт маң ань ёвтурм коланыл магсыл ойтхатнэ сав няврамың щёмыатын мыганув, йильпи колыт ўнттын манос округ яны-тыл пўльницат эрнэ ищ-хипың утыл ты олнытыл вос ёвтавет, ләккаранув рупата олнаныл нөх вос нётавет». 1,7 млрд солкөви сав няврамың маңылат щёмыят магыс мивет, ты 1400 колтагылт олныл уртавет. 5,4 млрд солкөви кол ўнттын программатын мивет, пёс колытыт өлнэ махум йильпи колыл ўнттавет ос ЖКХ вәрмалитын холтавет.

6,5 млрд солкөви «Современное здравоохранение» программан пинавет, ты олнытыл пўльницат УЗИ, МРТ ос мот савсыр ищхипың утытыл ёвтавет, РФ Пре-

зидентув лавме щирыл, ләккарыт рупата олнаныл нөх-нётавет.

Щёмыят магсыл

Сав няврамың кол-тагылт магсыл хансым сәккон мотнув щирыл пирмайтавес, йильпи 2020 тәл пәсныл школат ос элалы ханищтахтын няврамыт этпос сыс 1300 солкөви савитыл ойтункве патавет ос иң маң няврамыт 592 солкөвил касыңаныл магыс тах ойтавет. Колледжит манос университетыт ханищтахтын ағит ос пыгыт 24 тала-ныл төвлын мус ты олнытыл ойтавет ос тән тәнти щёмыаңыг иң ат ёмтнәныл мус. Тәнти щёмыаңыг хунь ёмтәгыт, ты олнытыл воссыг ат ойтавет.

Савалапыг хультурм няврамыт

Ты няврамаквет магсыл сәккон ос мотнув



щирыл хасвес, 2020 тәл өвылтахтын пәсныл махум тәнти щёмыа-нылн савалап няврам винәныл порат 300 сөтыра солкөвил өвләт ойтавет ос ағмың-мосың няврамакве винэ щёмыят 350 сөтыра солкөвил мивет.

Наталья Запандова, депутат-нә, лавум щирыл, тән ты олнытыл няврамакве өлнэ колнаке ёмщакв хот-щёпитаңкве ос мебелил ёвтуркве вәрмияныл.

Ань савалап няврам янмалтан магсыл щәниг-аңиг сас олныл ойтавег, ос мотыт тәлныл акв хотыутән ойтункве патавег. Туп хурум ос тыгыл савнунв няврам те ян-малтсғ янврос ағмың-мосың няврам висыг, тәнт сас ойтавег.

Ос төва няврамаквет лававет – «с ограниченными возможностями здоровья», тәнаныл янмалтан хотпат 2 175 солкөвил касың этпос ойтункве патавег.

Депутатыт лавманыл щирыл, округувт сәр тәлытт сөтыра арыг-тем няврамыт савалап колт ошвёсыт, ань туп 32 няврамакве тот хуль-сыт, мотаныт пуссын щёмыатын вуйвёсыт, пуссын хотты колтагылт яныгмёгыт.

Мотыт тәлт няврамыт ос пенсия винэ хотпат олнаныл нөх-нётавет

«Прожиточный минимумыг» лавнэ олныт мотыт тәл кастыл мощ нөх-нётвёсыт, ты урыл депутатыт сәккон пирмайтасыт. 2020 тәлт няврам магсыл ты олныт 15 280 солкөви савитыг ёмтәгыт, пенсия винэ ос ат рупитан яныгпала хотпат магсыл 12 730 солкөвииг олныт ловиньтавёсыт.

Хул алышлан урыл

Кирилл Зайцев, промышленность департаментыт рупитан кўшай хум, округувт хул алышлан урыл депутатыгн потыртас. Субсидия-олныт мотыт тәл мотнув щирыл тах уртавет. Предприятят ос общинат ты элы-пал хул пувнэ магсыл олныл майвёсыт, ос ань хулың тәнут вәрнэ магсыл ос савсыр катерыт, хәпыт, моторыт ёвт-нэ магсыл олныл мивет.

Хәлбүст өлум «Сибирская рыба» нампә хул алышлам предприятие лап-пантвес, та пентсыл ань округ кўшаит мот махум тинсәгыт, тән руш щирыл инвесторыг лававет, ты кастыл пуссын эрнэ нәпакыт щёпитым оныщияныл.

Галина КОНДИНА



Ищхипың маңыл вим хуригүв

ЛЯХХАЛЫТ

Мирув нōх-патум пāsныл 75 тāl ты тōвлы

Яныг хōнт порат мāн мирув нōх-патме пāsныл 75 тāl ты тōвлы. Ты ялпың хōтал кастыл Россият олнэ мāхум ань щёпитахтуңкве патсыт.

Ты урыл потыртан мāгыс округ янытыл Ханты-Мансийск ўсн сāv мāхум атхатыгласыт – социальный защита торыг рўпитан хōтпат, леккарыт, хōнтыт патум мир наманыл тāра-паттын кārкам нēt ос хумыт, мāнылат āгит ос пыгыт ēт рўпитан мāхум, сāvсыр хōнтхатыглапыт щёпитан ос ляххал тотнэ хōтпат.

«Центр гражданских и социальных инициатив Югры» кол кўщай **Яков**

Самохвалов тох лāвыс:


–2020 тāl Россия Президенту в Год памяти славы тāлыг намайес. Хōнтыт патум мāхманув мāн нас хунь номиянув. Та пылщмаң пора урыл сāv ваңкве эри, тувыл уц номуңкве.

Таимāгыс мāн ань сāv мāхум тыг вōвсүв, пуссын аквѣт номсахтэв, 75 тāl ялпың хōтал округувт хумус вāрилув. Хōтпа матыр потыр оныщи те, вос лāви, хотьют эрың пūмыщ тēла (проект)

вāруңкве номсы, вос потырты.

Мāk таи, мāнавн ань мāнылат хōтпанув ēт сāv потрамаңкве эри, тāн ēтаныл вāтихал хōнтхатыглаңкве эри. Ань яныгман āгиришит ос пыгришит вос вāганыл, Победа хōтал ты нас ялпың хōтал хунь – ты хōтал мус мāн тākсар мāхманув, пилтāl бпанув ос ащōйканув ēрвāгыл ēхтахтасыт, тāнти мāнаныл тākыщ вуюнтасаныл, китлерытн ат мисаныл.

Ты тēла мāнавн ēмашакв ваңкве эри, хōтлам мāхманув хольт вос олэв, тāн тēланыл



элалъ вос тотылув. Ос матыр илттыг ēмтапи те, хотты мир мāн нуплув хōнтыл йиймытты те, мāн тākсар мāхманув хольт тākыщ лялът люлюңкве вос вѣрмѣв».

Мāхум хōтал палыт потыртасыт, касың лāтың, касың номт нēпакын хасвес. Победа хōтал мус ань сāv рўпата олы, сāv эрнэ тēла щёпитаңкве эри.

**Светлана
РОМБАНДЕЕВА**

Сосса мāхманув потрамасыт

Ты ēтпост Ханты-Мансийск ўсн община бōчнэ сосса мāхманув акван-атыглавѣсыт. Тāн мāгсыланыл мā-вит ўргалан департамент колт рўпитан хōтпат ēнта пасан вāрыгласыт, тох намайасаныл «О поддержке и развитии общин КМНС ХМАО – Югры».

Ты тēла палт мā-вит ўргалан кол кўщай ваңын хōтпатэ Александр Комиссаров, округ Дума депутат ойка Еремей Айпун ос «Спасение Югры» кол кўщай нē Людмила Алфѣрова тāн пуңктотсыт. Округ янытыл мирн нētмил вāрнэ хōтпат, миркол кўщайт, общинат палт пуңктотнэ нēt ос хум хōтпат акван-ēхталасыт.

Та урыл потрамасыт, нēпакыт эрнэ щирыл хумус щёпитаңкве эри, хоталь кетуңкве, та ма-ныр. Нāлок-олн урыл янас потыр олыс - манах процент ойтункве эри, тōва ос ойтнэ мāныл арыгтаптаве, ойтхатуңкве щар ат паты.

Нāлок тēла палт кўщай ваңын нē Наталья Антипина лāвыс, ищхыпың ут хосыт «Создай свой бизнес» лōпс ловиньтаңкве рōви, йильпи тēла хумус бōвылтаңкве эри, тот пуссын хансым олы. Сосса мāхум общинатын нāлок-олнойтуңквеатэри. Ос мāk таи вос вāгыт, тāl сыс касың общинан туп 150 млн сāvит солкōви сэлункве рōви. Тыгыл сāvнув олн сэлнэ порат олнпот ойтункве эри. Тувыл тот яныгсат хōтпа вос рўпиты, сāv элум-хōлас виңкв ат рōви. Тамле община тиврēt мōт организация (филиал) ул вос вāраве. Нē лāвме щирыл, тох вāруңкве ат эри, атиңк нāлок-олн



Ханты хум С. Хунзи потырты

ойтуңкве паттавет.

Л.А. Алфѣрова лāвыс: «Мāнавн ань хосат тāгыл ēмашакв рўпитан община-нат урыл сāv потыртаңкве эри, мāхум тот хумус рўпитэгыт, матыр-āti вāруңкве пуссын хāsэ-гыт – олн-лōмт тāнти сэлэгыт, сāv мирн нēt-эгыт, тēланыл молях вāрияныл, ēмас номтыл рўпитэгыт. Тамле рўпата вāруңкве тахнэ хōтпат вос вāганыл, ты нас тēла хунь, тав сāv мирн пāрыс тоты».

Округув яныгыл 475 мā пѣс йис тāгыл олнэ мāг лāваве (ТТП – территории традиционного природопользования), мātэ 13,0 млн сāvит гектар. Та мāt 4 сōтыра 652 хōтпа олы. Нēпакын 87 община хансым олы, ань пуссын рўпитэгыт. Мāхум сāлы ўрим олэгыт, хул алыщлэгыт, вōраегыт, пил ос лāхс атэгыт.

**Светлана
МАТВЕЕВА**

КАСНЭ ВАРМАЛЬ

Шахматыл касуңкве атхатасыт

Су́кыр этпос
9 хөталэныл
мāнь таквс этпос
4 хөталэ мус Ханты-
Мансийск үст мир-
хал касыл вāраве
– «Кубок мира по
шахматам 2019».
Тамле касыл мā
янытыл кāсың кит
тāl олыгылы. Юи-
ōвыл щёс, 2017 тāлт,
Грузият Тбилиси
үст олыс. Мāн ўсувт
тамле касыл ань
5 щёс ты ёмты.

Каснэ мāхум Ханты-
Мансийск ўсн уш
ёхтуманыл хөталт лях-
хал тотнэ хөтпат РИЦ
«Югра» колн вōвиньтāl-
вёсыт. Россия министр
спорта Павел Колобков,
шахматы тэла мирхал
федерация (ФИДЕ)
президент хум Аркадий
Дворкович, Югра мāv
янытыл шахматы тэла
президент хум Василий
Филипенко ос ты порат
каснэ хумыг Сергей
Карякин ос Борис Гель-
фанд ты Кубок мира
урыл потыртасыт.

Мирхал федерация
президент хум лāvме
щирыл, тынакт 128
намың-суиң шахматис-
тыт касуңкве патёгыт.
Тāн пуссын ты тэланыл
сака ёмашакв вāганыл,
шахматы тэла тармыл
мā янытыл тāн мāk ёр
хөтпаг лāвавет.

Каснэ мāхум халт щар



мāнь пыг 14 тālэ тōвлыс
– узбек пыгрищ, наме
Нодирбек Абдусатторов.
Щар яныг – Египет мāныл
ōлнэ хум, 53 тālэ.

Павел Колобков лāвыс:
«Югра мāt лов арыг тāl
сыс сāvсыр касылыт
вāрыглавет, тув янге-
мāне вōвавет. Нāн мāн
янытыл шахматыл ёнгас-
анн программа рўптиты,
школат касың нйврам ты
тэлан хаништахтуңкве
вёрми. Ам номсёгум,
Россия янытыл туп нāн
мāнт мāk сāv хөтпа шах-
матыл ёнгасы. Таимāгыс
тох лāvуңкве рōви: Югра
– ты мāk шахматыл
ёнгын мā, мōт мир нāн
хольтын олүңкве вос
хаништахтёгыт».

**Василий Филипен-
ко** та урыл по-
тыртас, ань ты касылн
хумус щёпитахтасыт.
Кит тāl сыс эрнэ пор-
масыт ёвтсыт, кол-
накыт щёпитасыт,
ищхйпың утыт арта-
ласыт, матыр-āti пус-

сын кāтын-паттысыт.
Хум лāвыс, рўпатаныл
аман сōль ёмашакв
варсаныл, ты урыл тах
каснэ шахматистыт тāн
лāвёгыт.

Тувыл намың-суиң
хумыг ляххал тотнэ
хөтпатн маттем та
китыглавесыг. Борис
Гельфанд 2009 тālт
Ханты-Мансийск үст
Кубок мира по шахматам
ōлме порат нōх-патыс,
Сергей Карякин ос 2015
тālт Баку үст ос акв
тамле касыл порат ōвыл
мёста вис.

**Борис Абрамович Гель-
фанд** Белоруссият Минск
уст 1968 тālт самын
патыс. 1998 тāl пāсныл
Израильт олы, колтāглэ
ёт тув вāнтлыс, āги-пыг
ōныщи.

Хум тох потыртас:
«Ханты-Мансийск ўсн
ам ёмас номтыл ёхта-
лэгул, тыт касуңкве
āнумн сака мўсты. Нāн
мāнт олүм хөталанум
акван-ловиньтāнкве те
– тыт хўрум этпос арыг
ōлсум. Кубок мира порат
ёхталасум, Олимпиада ос
Гран-при турнирытт ён-
гысум.

Тыт ам нōх-патсум,
таимāгыс нāн мāн ам
сака эруптылум. Мирн
вāнэ шахматистыт лāv-
нэныл щирыл, хоты мāt
нōх-патсын, тув ялуңкве
акваг та таңхёгын, та мā
акваг номим ōныщилын.
Тыт ōлнэм порат элы

хōн мāныл ёхталам
мāхум мāгыс экскурсия
вāрыглэгул, нётнэ ўсын
тāнанылн суссылтылум.

Шахматал ёнгуңкве
атхуңь тārвитың, акв
ут ёмас щирыл ат те
ўнттыгпилын, тувыл
та, тāра юв та щёпи-
тахтёгын».

**Сергей Александрови-
ч Карякин** 1990
тālт Крымт Симфиро-
поль үст самын патыс.
Сāv тāl колтāглэ ёт
Москва үст олы, экватән-
тыл кит пыг янмалтёг.

Хум китыглавес, тав
улпыл ос мāн ўсув ёмā-
шакв вāгтэ. Сергей Алек-
сандрович лāвыс: «Ōвыл
щёс Ханты-Мансийскын
2005 тālт ёхталасум,
тōнт ос тамле мирхал
касыл олыс. Тувыл 2007
тālт тыт ёнгысум, тōнт
полуфинал мус кассум,
āлаты нōх-патсум, ос
Алексей Широу āнумныл
ёрнуве олыс.

2009 тālт полуфинал
мус ос ёхталасум, та
порат Борис Гельфанд
ёт кассум, тав нōх-патыс.
Ты тāl, номсёгум, пуссын
ёмас щирыл мины, мирн
нётнэ ёнгил суссылтёв».

Китыглахтын лāтың
сāv олыс, мўй мāхум ёмас
номтыл потрамасыт.
Мирхал ёнгил хумус
мины, хотыют нōх-паты,
касыл ойгпан порат тах
уш тāра-паты.

**Светлана
РОМБАНДЕЕВА**



КҮЩАИТ РҮПАТАНЫЛ

ХҮЛЫТ ЯНМАЛТАН РҮПАТА УРЫЛ

Юи-өвүл талыт сус хул алыщ-лан махум магыс сав йиль-пи сакконьт пирмайтавёсыт. Супыг, мохсаң, карай ос усхул сака мощцаг ёмтсыт. Супыгхул сав тал пувуңкв ат тартаве, карай, мохсаң ос усхул ань ос мощёрт алыщлаңкв ат патавёг.

Ты хулыт савмалтан магыс ань куцаит ты рупата воруңкв сака такыщ вуйхатсыт. Тал сус матах щёс акван-атхатыглэгыт ос хул алыщлан вормаль урыл потыртэгыт.

Ювле хулытум сатыт Общественный палата колт рупитан махум савсыр куцаит акван-атыгласаныл. Алпыл ты махум «Югорский рыболовный заводн» тотвёсыт. Ты завод Ханты-Мансийск ус ляпат олы, тот ань мањ сұпыгхулыт, мохсаңытос караит янмалтавет.

Куцаиг Павел Васильевич Павлов олы. Тав татем пумыщ ты завод урыл потыртас. Тав магсылэ ты яныгман хулыт аквтуп мањ няврамыт. Потыртас, ты хулквет хумус тыттавет, янмалтавет, тувыл ян хумус тартавет.

Бассейныг лавнэ акв хурат та яныт супыгхул-капай уйгалас. Тав намыл тот оныщаве. Сэрнэ поратэ хунь ёхты, тав порёныл мањ супыг-хулришит янмалтаңкв тах патавет.

Ты элы-палт ты хул УЗИ тара акваг сунсаве,



Леонид Бабанин потырты

порсаманэ ман янытаг ёмтсыт. Хунь мањ супыгришит нэглэгыт, касыңе ос УЗИл ёмашакв сунсаве ос «электронный чип» наппа ищхипың утыл ханлаве. Тувыл ты хул хумус яныгми, хот уйгалы, акваг та уральтаве.

Мот яныг бассейн-хурат мањ карайришит, мохсаңришит янмалтавет. Та заводт рупитан махум рупатаныл сака эруптыяныл, касың хотпа татем сымыңыщ потыртас. Соль тара наңки, тан янмалтан хултёныл магыс сыманыл сака щаргёгыт.

Тувыл куцаит округ мирколн тотвёсыт, тот сапрәни вәрыглавес. Рыбнадзорит, ма-вит ўргалан махум, мирколытт рупитан хотпат тот олсыт. Касың хотпа ты хулыт ўргалан ос янмалтан урыл потыртас.

Леонид Бабанин Хальуст олы, тав ос тамле вормаль оснпаттыс. Павланылт махум вөрныл юв хунь ёхтэгыт, тан нәлмивәтат полиция-махумн ўравет.

Таит сунсэгыт, маныр тан машинаныл тәлттэгыт. Юв ёхтэгыт,

полиция-хотпатн тонт ущ лававет – маныр машинат оныщёгыт, вос суссылтэгыт. Ос манрыг тох ань вәраве?

Куцаит тавән ювле лавсыт, браконьерыт уральтаңкв акваг эрэгыт. Акв порат хотпа пуввес. Тав юв ёхтыс, машинанёт тит супыгхул оныщум. Тав яныг штрафыл пинвес. Хул пувуңкв ат те рөви, махум ты хул шар ул вос пувёгыт.

2012 тәлныл мањ округут саккон рупиты. Тот тох хансым олы, ма-вөй мањыл нөх-винэ компаният касың тәл рыбозаводыт янмалтан мањ хулквет вос ёвтэгыт ос ян вос таргыяныл. Тан юи-өвүл ат тал ты рупата шар ат вәрияныл ос олн шар ат тәстэгыт.

Ань ты сапрәнит олум куцаит лавсыт, ты нефтяной компаният штраф-олныл пинуңкв эрэгыт. Ос элаль ат те кәсәщёгыт, тонт федеральный саккон мощ мот ширил хансуңкв эри. Тан такыщ вос оныщавет, мањ сұпгыт касың тал вос ёвтэгыт ос Асн вос таргыяныл.

**Валентина
ВАСИЛЬЕВА**



Павел Павлов хул янмалтан рупата урыл потырты

НѢТМИЛ-ОЛНЫТ ЛАККВА-УРТВѢСЫТ

Танки проект хансум соссa мaхум ты накт Ханты-Мансийск љсн ѓх-таласыт. Вaрнэ тѣланыл урыл кљщaитн потыртасыт. Мa-вит љргалан департаментыт кaсың тaл ты касыл вaрыглаве, ос тот нoх-патум хoтпат субсидия-олныл нѣтавет.

Ты округ бюджет-нылтaстым олныт, тaн «Устойчивое развитие коренных малочисленных народов Севера в Югре» программан хансум oлѣгыт ос матыр тѣлатн лaкква-уртавет.

Соссa мaхум тaнки вaрмaляныл ѣлаль тотнэ щирыл сaвсыр номинациял щѣпитaлвѣсыт. Ты тaл тoвa номинацият нѣмхотыют ат касыс, тaн нас тох та хулытсыт. Туп 11 ѣлумхoлас тaнки проектаныл кѣтсаныл, ос акв хoтпа касыл ѣлы-пaлт хансум нѣпакaнэ ювле-вoвсанѣ.

Анѣ пил вaтнэ, Алaхыс атнэ ос тaнаныл мoт тѣнutyг вaрнэ рљпатат хљрум хoтпа воритотсыт. Сaлы янмaлтан вaрмaлитт ос вoраян тѣлат ѣлаль тотнэ щирыл касылт кaсыңѣмт кит хoтпaл oлсыт. Тувыл хљл aлыщлан вaрмaлитт ос кит хoтпaг кассыг, ос акв хoтпа хљлыл сaвсыр тѣнут вaрнэ мaгыс заявкaтѣ лoвиньтaстѣ. Анѣ тaмлe тѣлатт акв нѣ нѣпакaнэ ювле-висанѣ.

Ос мoт номинацият туп акв заявкaл кѣтыглавѣсыт, тот нѣмхотыют ѣт касуңквe oлыс, та хoтпат касылн ат вoвѣсыт ос номинацият хот-вуйвѣсыт. Тыи сaлы aнѣтныл aнѣщарыт вaруңквe, сaлы совныл маснutyт ос пoрмасыт љнтуңквe ос мoт тѣлат тув хансыглавѣсыт.

Каснэ порат лoв ѣлумхoлас пуссын комиссия ѣлы-пaлт потыртасыт. Ты комиссият округ янытыл

сaв мaныл кљщaит акван-атхатыгласыт ос потрыт хљнтлысыт. Сaвыңпaлѣ каснэ хoтпат oбыл щѣс заявкa хассыт ос тыт проектаныл лoвиньтасаныл. Тoват тѣланыл мaгыс сaв щѣс китыглавѣсыт, кљщaит матыр-aти тaра-паттысыт.

Олн лoвиньтан хoтпат хoт матыр ат торгамтасыт кe, тaн каснэ ѣлумхoлас китыгласаныл. Тoванaкт сaлыт ѣвтнэ мaгыс тынэ сaвсырыг хансaвe. Тыи, насaти, тoват нѣви нoмнa сaлы ѣвтуңквe тaңхѣгыт, мoтаныт нѣв сaлыт, тaи-мaгыс тынаныл мoщ-щaгнув хансыяныл.

Сaлы љрнэ хoтпат нѣви нoмнa сaлы ѣвтѣгыт oс тaнки хaнищтыяныл. Нѣв сaлыт пуссын хaныщувлым oлѣгыт, тaн ювлe oлум мaнaнылн хaйтуңквe вѣрмѣгыт.

Потрыт хљнтлым пoи-пaлт жюри-хoтпат мoт колнакн ялсыт, тот пѣриясыт ос ѣтыл лaвсыт. «Развитие заготовительного процесса продукции дикорастущих» нампa номинацият «Нарь-Ях» oбщина нoх-пaтыс. Тaн Ханты-Мансийский район Кышик пaвылт рљпитѣгыт, 3 млн 800 солкoвил мaйвѣсыт.

Сaлы ѣвтнэ ос тaнaныл янмaлтан мaгыс Белоярский районныл ѣхтaлaм «Осетные» oбщина 2 млн 500 солкoвил нѣтавет. Вoраян тѣлат ѣлаль тотнэ мaгыс «Охлым» oбщина нoх-пaтыс. Ты oбщина Ханты-



Ты хурит Василий Ерныхов пoслым oлы, тaв «Осетные» oбщинат рљпиты. Тaн aнѣ 2 млн 500 солкoвa рљпитaн мaйвѣсыт.

Мансийск љс лyaтaт oлы, тот пуңкoтoтнэ oйкa 3 млн солкoвил мaйвeс.

Хљмщaкв щѣпитан мaгыс 3 млн 800 солкoви «Ягурь-Ях» oбщина мaйвeс. Тaн Сургутский районт хoт рљпатаныл вaрияныл, пуңкoтoтнэ коланыл Ханты-Мансийск љсн хансым oлы. Тувыл хљлныл мoт тѣнут щѣ-питан щирыл Хaльљс районт oлнэ «Рaхтыня» oбщина лaввeс. Тaн Кульпaс пaвылн ѣрнэ мaшинaт, пoрмасыт ѣвтѣгыт ос aнѣ рљпaтa ат oщнэ мaхум рљпитaнквe тув вивeт.

Мa-вит љргалан депaртaментыт кљщaй вaңын хум Александр Комиссаров лaвыс: «Мaн касылувт проектт пуссын ѣмaщaкв хансым oлсыт. Анѣ нoх-патум хoтпат, мaн

вaглув, тѣланыл пуссын мљсхaлыг ѣлаль тoтыяныл. Сaв заявкaт матыр ѣрнэ пoрмасыт ѣвтнэ мaгыс хансым oлсыт. Вaим, вoрт сaвсыр рљпaтa вaруңквe ѣри. Вoрколаныл мус яласан лѣнх торың ат oнѣщѣгыт, aнѣ хотыют мaшинa мaнос «Буран» ѣвтѣгыт, мoтанытн тѣнут пoльтнэ яныг тoтaпыт ѣрѣгыт. Мaн aнѣ тaнаныл олныл нѣтыянуv, ос ѣлаль тaнки рљпитaнквe вoс вѣрмысыт.

Номинацият пуссын ат кассыт, aнѣ субсидия щирыл минэ олныт иң хулытсыт. Комиссия ѣт мaн потыртахтaсљв, ты олныт муниципaлитeтыт хaлт лaкквa-уртыянуv тaх. Тaн соссa мaхум тѣланыл мaгыс вoс тaстaвeт».

Тaмaрa МЕРОВА

ПУСМАЛТАН ВАРМАЛЪ

Лёккарыг рўпитаңкве хōт-āti рōви

Ань мāньлат хōтпат сāvсыр рўпатаң ханищтахтэгыт ос элаль тамле рўпитан мā хōнтуңкве ат вёрмэгыт. Ам ань лёккарыг ханищтахтам мāньлат хум ёт Ясунт пāвылт потыртасум, тав «Мāнь Ысквен» рўпитаңкве ёхталас, наме Павел Журавлев. Тав тох лāвыс:

- Ам 2009 тāлт школа Саранпāвылт āстласум ос элаль Ханты-Мансийск ўсн лёккарыт ханищтахтын колледжин ми́на́сум, тот хўрум тāl ханищтахтасум ос Омск ўсн ми́на́сум, фельдшер-лёккарыг тот āстласум. Тувыл номтум ёхтыс ос ат тāl āгмың-мосың, сакватахтам хōтпат пусмалтан лёккарыг ханищтахтасум, тав лāваве – «инструктор адаптивного спорта физической реабилитации».

Рўпитаңкве ам амти пāвлумт Саранпāвылт патсум. Тит этпосн пўльницан вуйлүвёсум ос тот рўпитан мāt мощщā вāрвёсыт, ам рўпата тāl хулытсум. Тувыл Хālўсн ми́на́сум, аквторыг хўрум мāt рўпитасум: скорый помощь, центр медицины катастроф ос поисково-спасательный мāн лёккарыг патхатсум. Ань ты тāl тўяг Саранпāвылн ёхтысум, МЧС мāн вуйвёсум, лёккарыг

рўпитан мā āтим, ам ань элумхōласн нётнэ хōтпаг рўпитэгум.

Амти мāmт, амти пāвлумт олүңкве таңхёгум, таимāгыс тыг ёхтысум, маныр рўпатаң вуйвёсум, тув та ми́на́сум. Мощ ўрхатэгум, эрың пўльницат тах лёккарыг вивем.

- Павел, наң «Мāнь Ысквен» акваг ёхталэгын? Хунь о́выл щёс тыг ёхтысын?

- Мāнь порат, хунь иң школат ханищтахтасум, 2006 тāлт, тōнт ам тāра нёрн ялантан сменан вуйвёсум, нйврамыт ёт нёрн ялсум. Та пāсыл кāсың туи тыг таёхталэгум. Ты элы-пал акв туи ам юрт пыгрищанум пуссын тыг ялсыт ос āнумн потыртасыт, тыт татем та ёмас, нйврамыт сāvсыр щирыл ёнгалтавет, этипāлаг акваг гитарал сāңквылтэгыт, эргёгыт, ам о́с тахмаясум, ос Ясунтын та вōвхатасум. Ань тай ты ўскве



Ты хурит Павел тēнут вāрнэ нē Ирина Самбиндалова кātэ пёритэ

тāl олүңкве воссыг ат вёрмэгум.

- Лāвен, манарын тыг хартавен? Манрыг тыг ёхталаңкве акваг таңхёгын?

- Тыт сāv юрт о́ньщёгум, халувт пуссын ягпыг-ягāги холыт олэв, акван-нётхатым матыр тэлат вāрёв, рўпитэв, аквтуп акв колтāгыл. Мōт хотты ўсың мāt мāхум пуссын хотталъ акваг молямлэгыт, халанылт ат потыртэгыт, кāсың хōтпа таквирот та олы, нэмхотьютын сака нётуңкве ат кāсаци. Тох олүңкве ам ат вёрмэгум, āнумн «Мāнь Ысквет» сака ёмас, ам кāсың туи сака ўрилум. Тыг ёхтэгум, номтум ёмас, сымум щāгты.

- Наңти щёмьян урыл мощ потыртэн, ягāги манос ягпыг о́ньщёгын?

- Ам амти щёмьяңыг иң ат ёмтсум, омам ос āпщим ёт олэгум. Апщим наме Михаил, тав Тюмень ўст сāvсыр пормасыт мōт мātын тотнэ щирыл ханищтахты.

Павел «Мāнь Ысквен» лёккарыг рўпитаңкве ёхталы. Саранпāвылт акв этэ-хōтал рўпиты, тувыл тит-хўрум хōтал ўщлахты, ты сыс Ясунтын ёхтыгпāлы, нйврамыт уральтыяңэ, нэмхотьют āгмыл ул вос ёмтыс. Там-ле кārкам мāньлат хум мāньщи ўсквет яныгмас, ань ос такви рўпитаңкве тув кāсацим ёхталы.

Кўщай нē Любовь Павловна Стаканова таве сака эруптытэ ос янытлытэ, пыг хоты рўпатаң пуссын вуйхаты, матыр-āti вāруңкве хāсы. Нйврамыт пусмалтан коныпал тāнаныл ёнгалтыяңэ, аквёт хāйтыгтэгыт, поргащлэгыт, Павел āгит-пыгыт тākсарыг олүңкве ханищтыяңэ.

Мāн ос пуссын мāньлат хōтпатын лāвёв, сымын рōвнэ ёмас рўпата вос хōнтэгыт ос кārкамыг таве вос вāрияныл.

Галина КОНДИНА



Л. П. Стаканова мимхури

СОССА МИР ӨЛҮПСА

Тарыгсав павыл маныщи нэ

Ты тал маныполь этпост Хальүс район Ягрим павылт сака пумыщ семинар олыс – сосса нэт ос агиришит пёс щирыл сакныл турлопс хартуңке ханищтахтасыт. Маныщи нэт халт Раиса Петровна Мортяшина щаквщис, такви опарищ наме Мони́на.

Тав этэ потрамасум, китыгласум, хотыл олы, щаквщунке хот ханищтахтас. Раиса Петровна тох лавыс:

– Ам 1960 талт Тарыгсав павылт самын патсум, руш щирыл Резимово павлыг лававе. Тот ань нэмхотыютат олы, павыл хосат оссулавес. Школа Восыңтүрт а́стласум. Тувыл Ханты-Мансийск үсн ми́на́сум, тот тал арыг тэнут пайтнэ нэг ханищтахтасум, 1975-1976 талт. Училищам ат а́стласум, юв йисум.

Ягримн вантлысум, тыт ват нупыл хот тал олэгум. Ойкаментыл

хүрум пыг янмалтасмён – Лёня, Валера ос Саша. Каңкум няврамаге Петя ос Вика савалапыг хулытсыг, ам палтум яныгмасыг. Няврама-тёну́м ань пуссын та́нти щёмыял олэгыт, а́гипыг янмалтэгыт. Викам Ту́гияны павы́лн олмыг-тас. Ханты-Мансийск үст ам рүт нэм олы Альбина Николаевна Мехнина, ам а́тям ос тав ома́тэ яга́гийг-ягыгыг олсыг.

Сакныл училищат хартуңке патсум. Тот юрта́гийгум ханищтахтасыг – Надя Рябчикова Тэк павылны́л олыс, Света Лозямова Касум-



ныл. Тён сака ма́щтыр а́гийг олсыг, аквё́т у́н-тэ́в, та щаквщё́в. Тамле семинары́тн ам аква́г ёхталэгум, ма́ныщи нэ́т ё́т ка́тыл маты́р ва́рёв. Няврамы́т ханищтэ́в, ма́нти халу́вт о́с ханищтахтэ́в. Ань турло́пс ва́рёв, мо́тыт щё́с тах

совъя ва́й ва́руңке патэ́в.

«Лү́йма сэ́рипос» газета ма́н палту́в ёх-талы, лови́ньтылу́в. Я́тил ма́ныщи ма́хум, пу́с ка́т, пу́с ла́гыл олэ́н.

**Светлана
РОМБАНДЕЕВА**

Каркам нэ 55 талэ төвлыс



Ты хурит ханты нэ Луиза Степановна Тихонова по́слым олы. Тав 1964 талт сү́кыр этпост самы́н паты́с, ань 55 та́лэ то́влыс. Ома́тэ Ната́лья Степа́новна, а́гипари́щ наме Пы́рысе́ва, а́тятэ́ Степа́н Дми́триевич Лонго́ртов са́лы у́рнэ нэг-хумы́г олсы́г.

Нэ колта́глэ о́вылы́тыт тох поты́ртас:

– Ам Яма́л ма́т Ова́лыңко́рт па́вылт самы́н патсум. Ома́гум-а́тягум

не́лолов нявра́м янма́лтасы́г. Тён аква́г са́лы у́рим яласасы́г, та́ймагы́с ма́н пуссын интерна́тт олсу́в. Ащо́йка́в мирко́л

кү́щаи́г рү́питас. Ома́в поты́рта́лыс, та́н ю́н маты́р-а́ти пуссын о́щсы́т. Щё́лыңы́г олнэ́-ны́л ма́гыс ку́лакы́г ла́ввёсы́т.

Школа а́стламум ю́ипа́лт Ханты-Мансийск ү́ст педучи́лищат хани́щтахтасум. Тувы́л Сорты́ңя па́вы́лн кё́твёсум, са́в та́л воспита́телиг рү́питасум. Ойка́м ё́т тот аква́н-хо́нтхата́смён, наме Анато́лий Тихо́нов. Хү́рум нявра́м янма́лтасмён. 1996 та́лт Ягримн ва́нтлысу́в. Ты́т ам кит яга́гийгум олэ́г. «Росто́к» ко́лн патхатасум, няврамы́т ё́т рү́питэгум. А́гипари́тит ка́тыл маты́р-а́ти ва́руңке хани́щтыя́нум – са́кныл сы́ре-сы́р порма́сыт харте́в, а́канит ю́нте́в. Пы́гришит ё́т ос

ма́ньха́пы́т ма́щтырлэ́в. Ма́ныщи ос ханты́ мир о́вылы́тыт поты́ртэгум, пёс ма́хману́в хуму́с олсы́т, ка́тыл ма́ныр ва́руңке ха́ссы́т. Няврамы́т я́лпың хо́талану́в са́ка у́рияны́л. «У́ринэ́ква хо́тал» порат у́йри́щ пи́ти ва́ре́гыт, ка́сэ́гыт, ща́й ос ху́л исми́т а́егы́т.

Лу́иза Степа́новна, ху́нь няврама́нэ яны́г-масы́т, ю́ил яла́нты́м Ханты-Мансийск ү́ст олнэ́ Ю́горский госуда́рственный уни́верситетт хани́щтахту́ңке паты́с, 2014 та́лт дипло́м-нэ́пакы́л майвёс. Ты́ каркам нэ́ 55 та́лэты́л яны́тылу́в! Пу́с ка́т, пу́с ла́гыл во́с олы́, няврамы́тн са́в ща́гт во́с то́ты.

Светлана МАТВЕЕВА

СОССА МИР ӦЛУПСА

Тав 65 тәлэтыл агитэн янытлаве



Лидия Алексеевна Терентьева
Щёмьятэ ёт ань Саранпăвылт
ōлы. Тав сўкыр этпос аквхуйплов
хōталт 65 тālэ тōвлыс. Эква 1954
тāлт Хōслōх пāвылт самын патыс ос
такви ōпарищ наме Солянова ōлыс.

̆Аще Алексей Яков-
 левич ос омаѣ Матрѣна
 Дмитриевна Качанова
 с̆аѣ н̆яврам ̆ошс̆ыг, Лида
 щар яныг ̆агитѣн. Тав
 н̆ѣлолов класс ̆астрламе
 юи-п̆алт Салехард ̆усн
 техникумын ̆ѣлалъ ха-
 ништахтуңкве минас.
 Тот ветеринар-х̆отпаг
 сака ̆ѣмас хаништахтас,
 латың х̆унтлын маньлат
 ̆аги хаништан х̆отпатын
 ̆ѣсгүвес.

Техникум аҗтламе юипәлт тав Восьңтур пәвыл совхозн рӯпитаңкве кәтвес. Совхозт тәнт маньлат хәпгәт әс рӯпитасыт, тән пуссын акванюрщхатым әлсыт. Тот әлум, рӯпитам тәланә Лидия Алексеевна әмас номтыл ань номылматыгылянә.

Лидия рӯпитае
порат омаѣн-аѣтѣн
неѣыс, эѣе ос аѣпѣянэ
еѣмѣакв янмалтасанэ.
Олга Алексеевна Кана-
кина, эѣе, школа аѣсламе
юи-паѣлт Кострома уѣсн
минас, тот шукатур-
малярыг ханиѣтахтас
ос тувыл Ивановскый
облаѣтын рӯпитаѣкве

кѣтыма. Тав тот щѣмь-
яңыг ѣмтыс ос тот ѡлуң-
кве акваг та хультыс.

Геннадий āпшитэ
Саранпāвыл совхозт
сāлың колт яласас, Юрий,
Василий ос Владимир
хўл алышлым ос вōраим
Саранпāвылт ѓлсыт, хōт-
āти рўпитасыт.

Николай ăпшитэ
хосат тăғыл Лѡпмус
пăвылн вăнтлыс ос
тот старостаг рўпITY.
Николай Алексеевич
туи 50 тăлэ тѡвлыс, мăн
таве ѡс янытлылўв,
пăвлың мăхманэ ѣт
пussyн пустăғыл вос



ОЛЭГЫТ, НЭМАТ ТАРВИТЫН
УЛ ВОС ПУВАВЕТ, ТЭЛАНЫЛ
КҮСТЫРЫГ ВОС МИНЭГЫТ.

Лидия Алексеевна
Восыңтур пāвылт хум
вāрыс, ойкатэ наме
Василий Фёдорович
Терентьев. Тэн ты пāвылт
акваг олсыг ос хұрум āги
янмалтасыг. Анастасия
āгитэн ань Нягань ўст олы,
рūпиты, Мария āгитэн
Восыңтур пāвылт олуж-
кве хультыс. Вероника
Саранпāвылт хумвāрыс
ос шёмьян тāгыл тот
олы. Тав тот пāвлын
мирн пёриим хотпаг
олы, соссa мāхумн
сāвсыр тēлат ёмщакв
шёпитаңкве нёты.

Василий Фёдорович
ос Лидия Алексеевна
пенсиян патхатсыг, акв
мат ос ат унлантэг, тэн
апганэн янмалтанкве



нѣтѣг. Тѣнаныл хѣл алыщ-
лаңкве тотыгыланѣн,
аквѣт пил вѣтѣгыт.
Тѣпкан ѣньщѣг ос
карѣпка пинѣгыт, тувыл
аквѣт нѣх-выганыл.

Лидия Алексеевна
мāныщи мāхум пēs накыт
нōх-вōрмалтан мāгыс
ōс матыр вāри. Лōпмуст
щāнь лāтың ос пēs накыт
ханищтан порат апганэ
ёт тув яланты. Аквѣт пēs
накыт тāра-паттыяныл
ос сыресыр мастер-
классыт ѓлнѣныл порат,
матыр вāруңке аквѣт
хаништахтѣгыт.

Ань таве намхōталēt
янытлан мағыс Вероника
āгитэ тамле лāтың кēтыс:

-Ятломакев, анёквав,
мāн намхōталын кастыл
наңын янытлылўв! Наң
сāв тāl пустагыл вос
олсын, мāн наң ётын
ос щагтым олэв, тэлан
пуссын ёмщакв ос кўсты-
рыг элаль вос минэгыт,
нэмат лўль наң ул вос
вāсын. Мāн наңын пус-
сын сака ёруптылўв, ос
аквтох сымн ровнэ хот-
паг акваг олэн, сāв сōт, сāв
шунь наңын!

Мән, мәнши газетат
рүпитан хөтпат, Лидия
Алексеевна օс яныт-
лылүв, пус кәт, пус
ләгыл, Төрүм ęt, Өтыр
ęt օлуңкве ләвилүв.

Тамара МЕРОВА

ПАВЛЫҢ МИР ӨЛУПСА

«Ягрим-павыл» - йильпи ущлахтын ма



Г. Вынгилева кетум хуриит

Сұқыр этпос сатыт хөталэт
Хальүс район Ягрим павылт
өлнэ махум хөтал палыт мүйлысыт.
Ягрим 1964 тал пәсыл павлыг
ловиньтаңкве патвес, ос ань тав 55
тәлэ янытлавес.

Тув сав маныл мүй хөтпат вовиньтәлвөсыт ос тот савсыр кәс вәрыг-лавес. Сав тал сис луиман мот махум рупитаңкве ос өлүңкве ёхтысыт, тән ань пуссын ты павланыл әруптым оныцияныл.

Янытлан хөталт аэропорт пөхат Ягрим павыл кұщай нә Тамара Грудо «Мансын» намба памятник пүнсыстә, лап-пантым төре хот-вистә. Пес махум потраныл щирыл, ты үй сөт ос щунь тоты. Мәнщи ләтңыл Ягрим руш ләтңыг «глухариный ток» толмашлаве. Ань кәсыңьөмт тыгле-тувле яласан махум мансын ёт пашалахтүңкве вөрмө-гыт манос ос емас үлум ләтың ләвөгыт тах.

Тувыл кұщайт мот мән тотвөсыт, тот акв йильпи кол үнттүвес, тән та кол суссыт, пәс колт өлнэ махум сұқыр этпос оигпан порат тув тах вәнтлуптавет.

Мәнщи ос ханты мир өлупсаныл вәнэ магыс «Ягрим павыл» намба йильпи кан Кооперативный үсхулы котлөт вәрвес. Махум тув миннә элы-пәлт Тамара Грудо ос Хальүс район кұщай Владимир Фомин выгыр төрсәлм киттыг-яктыстән ос мүй хөтпат тув тәртвөсыт.

Сосса махум тәланыл палт пуңкоттнә нә Галина Вынгилева мир ёт пашалахтас ос Ягримт өлнэ мәнщи ос ханты нәт тәнки кәтыл вәрум пормасаныл, маснута-ныл сунсуңкве вөв-санә. Мүй махум тот М.С. Вынгилева, Н.В. Кутафина, Т.С. Мезенцева, В.Д. Саратина, С.Ю. Хатанзеева ос Н.В. Чупрова мащтыр нәт ёт вайхатасыт.

Ос акв мāt махар хуритә ляпат махум тот акван-атхатыгласыт ос пөслахтасыт. Ты мән

махар хуритә Вячеслав ос Ирина Забродин эква-ойкаг вәрыстән ос ты этноцентр колн мүйлуп-тастән.

Махумн кәс вәрнә ма-гыс Ханты-Мансийскныл, Югорскныл, Хальүсныл артистат ёхталасыт. Ос Лүй Нярехумит павыл-ныл «Родник» намба клубт рупитан кұщай нә Людмила Торохова такви эргын-ййквнә махманә ёт олыс. Тән нәтнә тәныт сәңквылтапыл сәңквылтасыт. Тувыл Ягрим павылт өлнә нә Марина Вынгилева ос «Сибирочка» ансамбль савсыр эргыт эргысыт ос ййквсыт.

Яныг канын атхатам мир, хотьют кәсащас, сосса махум хольт хөтал нупыл пөйкқас, тувыл хәльн төрсәлм нәг-саласыт ос пұстагыл өлнә емас номт элалы пинсыт. Сосса хөтпат тай Төрүм ёт, Отыр ёт өлнә нак акваг элалы кинсөгыт. Тән тәнә пасан вәрысyt, пайтым хул анын хұнсыт, исмит пинсыт ос мүй махум тыттысаныл.

Ты «Ягрим-павыл»

намба ма махумн сака мұстыс, ань ты мātә иң мощ татыла ос сөиң. Ләщалт тот ёрнколыт туштавет тах, нянь вәр-нә күр вәрәве, сұмъях үнттаве ос сосса мир өлупсаныл суссылтан магыс пормасыт, мас-нутыт щөпитавет тах. Ётыл махум тув сыре-сыр ханищтапытн акван-атхатыгләлуңкве патөгыт.

Ягрим павылт ань сөтыра сәвиткем ханты, мәнщи ос ёрн хөтпат өлөгыт. Төваныл щәнә ләтңыл ат потыртөгыт, пәс олум накыт ос ат вәганыл. Павылт онто-лов ханищтахтын кол рупитөгыт: мән нывра-мыт үрнә нила кол, кит школаг ос ныврам ханищтан кит янас колыг. Ты колытытн 1 сөтыра 500 сәвит ныврамыт ялантөгыт. Тән ань «Ягрим павыл» канын ос тотыглаңкве патавет, матыр мұтраң вәрмалын тот вос ханищтавет.

Г. Вынгилева кетум
ляххалә мәнщи
ләтңыг Т. МЕРОВАН
толмашлавес

КЎЩАИТ РҮПАТАНЫЛ

Мирн нётмил вәрнэ колн мот махум пёриявет

Округ Общественный палатан мот махум пёриян пора ёхтыс. Ань сұқыр этпос китыт хоталныл ват хоталэ мус тув пёриян хотпат заявка вос хансэгыт ос тәнки наманыл вос хұлтыяныл.

Хумус элалэ махум тув пёриянқве патавет, ты овылтыт ляххал тотнэ хотпат магыс Общественный палатат рұпитан кұщай нэ Ирина Максимова ос общественный ос внешний связь департаментыт кұщай вағын хум Александр Деменко потыртасыг.

Ирина Максимова лавыс:

- Ты тал Общественный палатан мощ мотнун ширыл махум пёриявёсыт. Ты элыпалт тув 22 элумхолас округ губернаторн патталавёсыт ос ұсыт манос районыт палыл мот 22 элумхолас тув кётсавёсыт. Тән сапрани вәрыгласыт ос хотты кәркам хотпат пёриясыт.

Ань ты накт Обще-

ственный палатан хұрум список ширыл мир пёриянқве патаве. Ты заявка мим махум российский манос межрегиональный организацият тэлат элалэ тотнэ ширыл губернаторн сунсавет ос тав 15 элумхолас такви пёрии.

Тувыл региональный общественный организацият рұпитан хотпат округ Думан пёриявет тах ос мот хотпат тәнки олнэ мәнанылт рұпитан савсыр организацияныл тув кётавет.

Общественный палатан махум ёт рұпитан ос тән тэланылт нётмил

вәрнэ хотпат туп вивет. Ты коньпал ты хотпа сырсыр партиян хансым ул вос олыс, хотты кұщайт ос депутатыг ос тув ат вивет.

Александр Деменко тох потыртас, Общественный палатан пёриим хотпат сака эрнэ рұпата оныщёгыт, савсыр тэлат тән мак номт хұлтэгыт ос та тэлат элалэ тотавет. Тән сакконыт магыс савсыр номт хансэгыт, мәнылат хотпат ханищтыяныл ос мирн сав нётмил вәрёгыт.

Тамара МЕРОВА

Ўльпат ўнттуңкв лаввёсыт



С. Н. Дмитриев, Г. П. Кельчин ос М. Р. Хасанов

Мак яныг округ мирколт савсыр сапрәнит акваг вәрыглавет. Хұл янмалтан урыл кұщайт потыртаманыл порат акв хумн тән мән хурыгсоврищитыл майвёсыт, тиврыт ўльпа пәквсамыт олсыт.

Ты ёмас сымың хум Радужный ұст олы, тав наме – Мидхат Равилович Хасанов. Тав башкир ойка. Ань округ Общественный палатат рұпиты. Ма-витув магыс сыме сака щәрги. Тав савсыр ёмас тэлат номылматы, тувыл нйврамыт ос ұст олнэ мир пуссын нёттуңкв вёбиянэ.

Ань округ мирколт олум сапрәнитн сав

хурит ёт-тотыглас, кұщайтн суссылтас ос потыртас, ұсанылт тән маныр вәрёгыт. Тувыл касың хотпан нэпак ос ты мән хурыгсов мис. Та нэпакт хансым олы, пәквсамыл ўльпа хумус янмалтаңкв эри.

Мән, сосса мир, торың аты вәглүв – ўльпат хумус янмалтаңкв эри. Пәквтәпинёт тән хосытаныл вёранувт сав

Как вырастить кедр из орешка?

Что выгодно отличает кедр (а правильнее будет сказать, сосну сибирскую кедровую, потому что настоящие кедры в Сибири не растут) от других хвойных деревьев? Конечно, его красота, и способность выживать в очень холодные зимы. Возможно, именно поэтому многие хотят знать, как лучше вырастить кедр - из орешка или взять готовые саженцы, где их можно купить, и как подготовить к посадке кедровую шишку в домашних условиях?

По поводу того, как вырастить кедр, из орешка или саженца, долго раздумывать. Саженцы стоят довольно дорого, и никто не даст гарантий, что они приживутся. Поэтому, если не готовы тратить деньги на саженцы, кедр из орешка. Надо помнить, что кедр это не обычное садовое дерево, поэтому и выращивание его из орешка будет делом более хлопотным, всего лишь поливать, будет недостаточным.

Выращивание кедра из орешка – пошаговая инструкция.

1. Выбираем семечки, они не должны иметь неприятного запаха, трещины и повреждения покровов. Всхожесть семян сохраняют 2-3 года, а при правильном хранении и до 10 лет, но

ўльпа олы. Ос Мидхат Равилович тай ты тэла ёмащакв ханищтаме ос ты кастыл нэпак-лөпс намыл щёпитама.

Тот тох хансым олы, өвлёт ёмас пәквсамыт хұрум хоталн витн пинунқв эрёгыт. Та юипалт сэй ошнэ тотапсовн пинэн ос холодильникиг оныщён. Сёе акваг мощ витың вос олы.

Ат манос сат этпос мины, тувыл ущ пәкса-мытныл мән ўльпат ты нәглэгыт. Та юипалт қасың йивкве янас хусапн ўнттуңкв эри. Ат тал таве тох янмалтаңкв эри, тувыл ущ ўльпа мән

та ўнттаве.

Ты хум сав мән ўльпа тох янмалтам. Такви Башкирия мятэн ялнётэ порат акваг ўльпарищит ёт-выганэ. Тот тав сав йив ўнттум. Ты ёмас тэла вәрнётэ магыс тав тот сака янытлаве, савсыр яныг намыл майвес.

Мән округувт тав ос намың-суиң элмхолас. Матъёмас тамле хотпа кұщайт халт олы. Тав, соль, сав ёмас тэла вәри. Тав нупылэ сунсым мот мир ма-витув ущпылнэг тақыш ұргалыяныл.

Валентина ХОЗУМОВА

Рүпата тиснэ хөтпат магыс потыр

Махум рүпатал тиснэ маңыл Ханты-Мансийский центр занятости населения колныл маң редакциявн пицма ёхтыс. Тән ляххал тётсыт, рүпатан патхатнэ порат ёрнэ нэпакыт хумус хансуңкве. Акв тамле нэпак руц щирыл лававе – «резюме».

Ты потыр нанти урынтыл хансуңкве ёри, сав тув ул хансён, акв нэпак-лопсын пуссын вос лапи. Күщаит яныг потыр ловиньтаңкве ат патёгыт, тув туп сака ёрнэ утанын хултэн.

– опарищнамын ос намын янытёт;

– самын патум хөталын, ётпосын ос талын, манах талын төвлыс ос хансэлын;

– хөт олэгын;

– нанти телефонын хансён;

– хунь ос хоты мят ханищтахтасын, маныр специальность ёньщегын;

– ты ёлы-пал рүпитам маңын тув хансуңкве ёри, хотьютыг рүпитасын, маныр вёрсын;

– рүпитамамын порат манхурип ханищтапытын ялантасын;

– хансён, хөт ос маныр рүпата воруңкве касащегын, маныр вёрмегын.

Ты коньпал ёрың



Ишхипың маңыл вимхуриов

ишхипың утыл рүпитанкве хасэгын манос мот хон махум латың вагын, машинал яласан нэпак, ёрың, ёньщегын, пуссын тув хултуңкве рови.

Нанти урынтыл хансён, манхурип янытлан нэпакыт ёньщегын,

каркам ос рүпатан молях варапанкве вёрмилын. Нанти урынтыл ёмшакв хансён, ты потыр ловиньтан күщаит тара нанан виңкве вос тахмаясаныл, нантинан торгён ёстелын.

Галина КОНДИНА

Акв хөталт юристытн нётуңкве патавет

Россия янытыл сүкыр ётпос ват нупыл сат щислат махум юридический тэланьыл нётуңкве вёрмавет. Ты акв хөталт юристыт тән ётаныл төрум магыс, оln ойттал рүпитёгыт.

Маңьши ос ханты махум тарвит вярмалыныл урыл юристыт ёт вос потыртёгыт ос тән матыре хултыглан латңыл ювлре вос нётавет. Ань касың үст манос павылыт хөт махум юристыт ёт хонтхатыглёгыт тах, тән танки павлың мирколаньылт тара вос паттыяныл.

Махум вос нётвёсыт, округувт рүпитан дёпутатыт саккон щёпитасыт, тав мирн пёриим хөтпанувн ват саграпнал ётпос хотхуйплов хөталт 2011 талт пирмайтавес. Ос сүкыр ётпос ват нупыл хөт хөталыт 2014 талт №64-оз това тэлат йильпи латңыл нётвёсыт. Тав акв тамле Россий-

ский саккон щирыл хасвес ос касың элумхөлас савсыр тэланэ ургалым вос ошвёсыт.

Сосса махум тэланьыл нётнэ магыс ос янас латың хансым олы. Төрүм магыс нётмил латың ты хөтпатн варава:

– маңь павлытыт олнэ махум, ты павлыт округ миркол нэпакыт хултвёсыт;

– йис маңылыт танки олупсаныл элаль тотнэ сосса хөтпат;

– алыщлан ман воряян вярмалиты олн ат сэлнэ маңь павлытт олнэ сосса хөтпат;

– юридический нэпак ат ошнэ общественный организациятт рүпитан



Юридическая клиника работает каждый вторник с 18.00 до 19.30 и субботу с 12.00 до 14.00 по адресу: г. Ханты-Мансийск, ул. Мира, д. 13 каб. 10 (вход со стороны парка Лосева). Предварительная запись по тел. 305 189.

сосса хөтпат.

Ты махум кос хоты порат тарвит тэланьыл ёт юристыт палт вос ёхтёгыт ос тән ётаныл потыртаңкве вёрмегыт. Янгыщ тән коланыл магыс ос кол унттын ма лөмт ёвтнэ порат нэпакыт хөт виңкве ат ваганыл, коланыл коммунальный тыныт ловиньтан порат лаплавет манос танки олн ат ойтёгыт, тонт тарвит ёньщегын. Тувыл нявраманыл магыс сыресыр тэлат

вуянтан порат ос нэматыр ат вагыт. Тамле сакконытыт тән акваг осхултыгланкве ёрёгыт. Юи-овыл талытыт юристыт хул алыщлан, воряян маңыл танки нупыланьыл хаснэ хөтпат ёт сав рүпитёгыт.

Нётмил киснэ порат элумхөлас юридический колт манос адвокат-хөтпан паспортэ вос суссылтытэ ос намнэпак ёт вос ёньши, хөт хансым олы - тав хантыиг, маңьшииг манос ёрныг олы.

Тамара МЕРОВА

Ёрн мире магыс сыме щарги

Ман Ханты-Мансийск ўсувт савсыр
Мяныг сапрәнит акваг вәрыглавет.
Тув савсыр мирыт вөвыглавет. Тўяг
мўйлын мир халт акв ёрн нә ёт
потыртасум. Тав такви өлнә мātэ ос
өлупсатэ урыл моцх потыртас.

Нә тох лавыс, наме – Раиса Пехедомовна Яптунэ. Тав Красноярский край маныл Таймырныл Ханты-Мансийск ўсн ёхтыс. Ляпа рўтанэ пуссын сәлың махум, сәлы ўрим савсыр мātт ванталалёгыт.

Тав ань телевиденият ёрн лātңыл передатат вәрим рўпиты. Такви мирен ляххалыт потырти ос сасса мир өлупса урыл савсыр тина суссылты.

Рўпитан мātэ «Таймыр» нампa нам оныщи. Тән тот сав хōтпа рўпитасыт. Ос ань савсыр йильпи ищхипың утыт квәлтапәтүвёсыт, телевиденияныл ос «цифровой» нам оныщүңкв тах паты. Таимагыс сав хōтпа тувыл пōхан тётвёсыт, ань тән туп хусахтем хōтпа акваёт рўпитёгыт.

Нә потре

– Матах тал ювле хультум порат мән махманув передатанув пуссын сунсүңкв вёр-

мысаныл. Рātива хосыт ляххалыт хўнтлысыт. Ань ос нэматыр передатат сунсүңкв ос рātива хўнтлүнкв щар ат вёрмёгыт.

Мән Таймыр мāv сака яныг, щāрыщ вātат олы. Тот сав воинский частит өлсыт, Россия мāv ўргаласаныл. Тувыл тән пуссын мōт мән вантлуптавёсыт, савсыр радарадыл ёт-тотсаныл. Хунь ты радарыт өлсыт, мән тōнт сака ёмас өлсүв. Телевиденияв ёмашакв рўпитас, рātива өлыс.

Та юи-пālт щар вуньшалыг та хультсүв. Сәлы ўрнә махманув ань тән-тирот тох та өлантёгыт. Тән щар нэматыр ат вāгыт, маныр мā янытыл олыгылы, аты хұлыглёгыт.

Ты туй ам ляпа рўтанум палт тунра мән өлүңкв ялсум. Тән сәлыяныл ёт савсыр мāt вантлёгыт. Тән палтаныл миннәм элы-пālт ам газетат, мōт савсыр ловиньтан нэпакыт ёт-



Ищхипың мāt-вим-хури

висанум. Ёхтысум, тән молях ловиньтасаныл, тувылта. Воссыгнэматыр āтим, ловиньтан нэпак āтим, телевизор ат рўпиты, рātива ос ат сўйты. Тыщир та ань махманув ты өлэгыт.

Ам хўрум пыг оныщёгум, тән ань пуссын яныгмасыт. Мантищāнь лātнүв ёмашакв вāганыл, потыртаңкв вёрмёгыт. Атям өлме порат ам пыганум пуссын тав палтэ тётсаласанум, тән тув палыт тунра мāt сәлы ўрим та өлсыт. Юв ёхтёгыт, ёрн лātңыл татем потыртаңкв та хасёгыт.

Өлупсатэ урыл

Раиса Пехедомовна сәлың колт самын патыс, тот яныгмас. Омаге-ātяге вантлым савсыр мātт яласасыг. Аще потрың хōтпа өлыс, сав мōйт вās. Агитән тав потранэ пуссын нэпакн хасвёсыт ос ловиньтан нэпакыг вāрвёсыт.

Ты нэпак 2017 тālт таратавес. Аквта тал нә Санкт-Петербург ўсн вөввес. Тот нэпак хаснә махум халт тав нōхпатыс, тот янытлавес. Ляххал потыртан хōтпаг тав Москва ўст Останкино колт ханищтахтас. Ты

элы-пālт тав вāt нупыл ат тал школат нйврамыт ханищтым рўпитас. Ань такви ёрн лātңе магыс сыме сака щарги. Ты урыл тав тох лавыс:

– Мощаг хультум мирыт щāнь лātңаныл ань ўргалаңкв ос элаль тотуңкв эри. Мән тōва лātңанув руц лātңын толмашлаңкв щар ат вёрмиянүв, тән тамле лāтың ат оныщёгыт. Махманув акв лāтың лйгалёгыт, тара торгамтахты, тән маныр урыл потыртёгыт.

Ёрныт тох лавёгыт, нә сахи тēннанэ тув ат те нэгиянэ, тән лавёгыт – ты нә аквтуп пāлыг-яктым сорт хурипа. Лўимāt өлнә мирыт тамле нётнэ щāнь лātңыл ты потыртёгыт. Матъёмас ты тālт мән щāнь лātңанув янытлавес.

Ань ты ёрн нә такви өлнә мātэт яныг намыл майвес – «Почётный гражданин Дудинки». Соль, тав такви щāнь лātңе, ёрн мире пёс наканыл, пёс вāрмаляныл сака янытлыянэ ос элаль то-тыянэ. Раиса Пехедомовна сав тал пустагыл элаль вос олы, такви Най-Отыранэн вос ўргалаве.

**Валентина
ХОЗУМОВА**



Раиса Яптунэ

Пёс йис тэлат номавет

Ты этпосув 7 хөталэт Нефтеюганск үс мир мүйлыс. Тот ань «Возвращение к истокам» намп фестивал ылыс. Савсыр мирыт танти пёс йис тэланыл ывилыт потыртасыт, катыл вәрум пормасаныл суссылтасыт. Төваныл ёрувланкве ты патвёсыт, таимәгыс тамле эрнэ хөтал вәрункве номылматвес.

Ты ялпынхөтал палт пуңктотум хум **Сергей Васильевич Андреев** тох лавыс: «Нефтеюганск үст савсыр мирыт өлэгыт. Касың такви пёс вәрмаләнэ суссылтанкве таңхи, потыртаңкве, элнаң махманыл хумус олсыт, маныр вәрункве хәсыт. Кос выгув ханты махум, тән катыл хүлп вәрэгыт. Тамле мащтыр хотпа нупыл нйврамын сунсуңкве сака пүмыш. Тувыл нйврам матыр китыгы, тот ос пувиньтахты, хүлп хасы ос мот матыр катыл вәри. Агиришит ос пыгришит сасса хотпан ханищтавет, тән ётаныл тав сымыңыщ потрами. Ань ищхипың ут хосыт сав матыр кәсалаңкве рөви, нйврамыт савыңпәлэ тувле сунсэгыт. Ос хунь танти матыр вәрэгыт, пормасаныл катын выганыл, пүмшчалыяныл. Тамле ялпын хөтал үс махманувн касың тал ұраве. Тыг ань махум сав маныл ёхтысыт – Нижневартовск, Сургут, Пыть-Ях ос Нягань

үсытныл, Пойковский павылныл ос вөрныл ханты махум. Пуссын ёмас номтыл мүйлэгыт, ёмыгтэгыт, халаныл ханищтахтэгыт».

Пёс тэлат суссылтан махум халт ханты нёт ос хумыт олсыт. **Галина Николаевна Кантерова** пыге, мане ос рүт махманэ ёт ёхталас. Нэ лавыс, рүтанэ пёс тагыл сәлы урим олсыт, вораысыт, хүл алышласыт. Ойкатэ хосат хотталыщалтыс, ань Валера пыге ос Анфиса ағитэ ёт ылы, апыгрищанэ яныгмөгыт. Ворт кол ыньщегыт, янгыщ тот өлэгыт. Пил ос ләхс тыналасыт, танти вәрум пормасаныл суссылтасаныл. Ләви, ты тал пил мощца, сав ат ватсыт, сакати тыияныл тыналыяныл, оln-лөмт сәлэгыт. Мөлты сав ватыгласыт – сүйпил, тәхтпил, сәвни ос саңквлыпил.

Нефтеюганск үст өлнэ мащтыр нэ **Ирина Михайловна Мазалова** Салым хантыт пёс щырыл маньнэ суп юнтыс.



Тав Москва үст культура ос искусства университетт ханищтахтас. Нэ тох потыртас: «Салым хантыт урыл сака мощца вәгүв, нәпакт ос сака мат сав потыр атим. Тобольск үст өлнэ музейн ялсум, тот архивт кисхатасум, пёс маснутыт пөслысанум. Та хурит нупыл сунсым нэ суп ос хум суп юнтсум. Тамле маснутыл Салым хантыянув 19 ос 20 нөтт олсыт. Омам та махмытныл өлнэ нэ, таимәгыс ам ань пёс махманув ыньщам маснутаныл юнтэгум, йильпииг вәриянув. Рушиг олсум те, улпыл рущ маснут юнтсум. Акв супум хұрум тал сыс юнтыслум, мотанум кит тал сыс».

Калинушкин ягпыгыт Виктор ос Александр Пойковский павылныл ёхталасыг. Виктор Александрович йивныл төрмыт (иконат) ос мот

хурит ёргащлы. Аппитэ ос рәктныл сыре-сыр аны-саныт пөщги, тувыл йивныл сәнквылтапыт вәри. Ты мащтыр хумыг Башкирият Уфа үст самын патсыг, тот яныгмасыг, лүимән 1983 тал порат олмыгтасыг. Виктор Александрович «Заслуженный работник культуры России» намыл маим ылы, хум тох потыртас: «Мён апищыңыщ Уфа үсныл ылымән. Атямән сака мащтыр хум ылыс - катыл хурит пөслыс, йивныл матыраи ёргыс. Яныг каңкумән Николай ос акваг шаквщис, «Народный скульптор Башкортостана» намыл майлуves. Хунь тән атимыг ёмтсыг, ам лүимән вантлысум, тыт төрмыт вәрункве патсум. Ты тэлан шар нәмхөт ат ханищтахтасум. Хунь ёргим үнлэгум, сома ам пөхамт хотыют лүли. Тавәгт, улпыл сөль лүли, анумен нёты.



Мащтыр хум В. Калинушкин



Марк ос З. Муратшина



Ирина Мазалова



Г. Кантерова ос рӯт маҳманэ

Уфа ўст ам искуства училище а́стласум, гармошкaл ёнгункве хаништахтасум. Ань Пойковский ўст национальный культура центр тармыл кўщаит олэгум. Тот коллектив оныщев, эргев. Ам амти эргытварегум, эргеум».

Тофик Мамедов «Бирлик» нампa азербайджанский диаспора палт пуңктоты, тох потыртас: «Тамле ялпың хотал олнэ порат ман тыг акваг ехталэв. Тыт ам ват арыг тал олэгум. Самын патум мав сака элынт олы, рутанув тал касанув холэгыт. Рос-

сия ос округ кўщаитн нётавев, тамле ялпың хоталытыл варыглавев. Ўс миркол кўщаит ос центр национальных культур колт рўпитан хотпат тыт олнэ касың мирн нётэгыт – манти культурав урыл вос потыртэв, пёс йис тэланув вос суссылтыянув. Хунь ман тох акван-ехтэв, ам самвитанум нёглэгыт, сымум та мус та щэгты. Нефтеюганск ўст олнэ савсыр мирыт ваганыл: «Возвращение к истокам» ты нас хотал хунь, ты сымын эрнэ сака тының хотал. Касың хотпа, касың мир



Э. Мельник ос Т. Грошева

такви пёс йис олупсатэ ул вос ёрувлытэ. Такви культуратэ ёрувлытэ те, мире воссыг нёмхуньт нох ат вермхаты, та ёрувлаве».

Зульфия Муратшина, «Юрюзань» нампa татаро-башкирский кол кўчай нэ, лавыс: «Манти миранув олупса ёрувлаңкве ат рови. Пёс порат маҳманув хумус олсыт, катыл маныр щаквцисыт, тан тэланьт элалэ тотуңкве эри. Ман тыт ань башкирский ос татарский тэнутанув, пормасанув суссылтыянув, мирагув урыл потыртэв».

Тув муй хотпа ехталас – Россият олнэ Молдова республика посольстваньт советник-посланник **Эдуард Алексеевич Мельник**. Хум тох потыртас: «Матъёмас округ кўщаит ос Нефтеюганск ўс мирколт рўпитан маҳум тамле хонтхатыглапыт варыглэгыт. Тыт сав

маҳум танти пёс олупсаныл янытлыяныл, культураньт урыл щэгтым потыртэгыт, танти маснутаныл нох-массаныл. Тыхотал молдавский пўри суссылтэв. Ман мавт хунь нэг-хумыг акван-минэг, маҳум сака сав хотал муйлэгыт, лувьт яласэгыт, вина аегыт, эргегыт, ййквегыт. Молдаван маҳманув тыт сав мирыт халт олэгыт тэпыл, танти олупсаныл суссылтаңкве вермегыт, ты магыс номтанув ёмасыт, пўмашипа латың лавев».

Тувьт хоталыят юипалт молдавский пўри олыс. Маҳум тот емас номтыл муйлысыт. Яныг концерт варыглавес, савсыр ансамблит эргысыт, ййквсыт. Этипалаг касың организация янытлавес, диплом-нэ-пакыл майвес.



Иван ос Анна тән пүритән олыс

Светлана РОМБАНДЕЕВА

Ўс котильн вѣнтлысыт

Ханты-Мансийск ўст «Төрүм Маа» музейт рўпитан хōтпат «Югорская Долина» нампa колныл мōт колн рўпитанкве вѣнтлысыт. Нѣн ань тѣнаныл Комсомольский ўсхулы 30 номер оцнѣ колѣт хōнтункве вѣрмиянын.


Ты норкол ўс котиль мѣтѣт ўнлы, тав нѣй харыгтан хōтпат мѣгыс пѣс порат 1934 тѣлт ўнттувес ос ўсың мирн «Пожарная каланча» лѣваве. Ётыл ийльпииг щѣпитавес, ос коньтѣ тох вѣрвес, аквтупмат норыл ўнттым кол.

Музейт рўпитан мѣхум ань вōртур ѣтпосныл та колн вѣнтлысыт. Ты коланылт тѣн ийльпи суссылтапыт щѣпитанкве патѣгыт ос тув мўй мѣхум тах вōвияныл. Ань пормасаныл иң лѣщал хотталь-ѣти лѣкква-ўнттыяныл, ѣрнѣ нѣпаканыл ѣмщакв вѣрияныл. Кол ѣмас ищхипың утыл щѣпитаве, нѣй кѣркваглыт пѣнтавет.

Ос суссылтап вѣрнѣ кўмыскаң хусапыт ѣмщакв тўштавет.

Та сыс музейт рўпитан хōтпат пѣс вѣрмалит ханищтан мѣгыс тѣнки рўпатаныл ѣлаль тотыяныл, пѣс оцнѣ пормасыт овылтыт матыр тѣра-паттѣгыт ос нѣпакн хансыяныл. Тѣнаныл ханищтанѣныл юи-пѣлт тѣн щѣквщин ханищтапыт щѣпитѣлѣгыт.

Янгыщ тамле ханищтапаныл тѣн «Төрүм Маа» кант вѣрыглыяныл. Тот сосса мѣхум «Уринѣква хōтал», «Ѣтпос пўри» ос «Ворщик хōтал» порат мўйлѣгыт, та рўпитан мѣнаныл Собянина ўсхулыт олы. Хантыт, мѣныщит пѣс олупсаныл овылтыт потыртан порат



Рўпитан коланыл

мўй хōтпат экскурсиян тув тотыглавет.

Мѣнѣ таквсы ѣтпос «Төрүм Маа» музей намхōталаныл олы, тōнт тѣн кѣсың тѣл мўй-луптым пормасытыл ийльпи суссылтап вѣрѣгыт. Ты коньпал тѣн мўйлупса ос пирмай-тѣгыт. Тамле вѣрмаляныл тѣн «Дары и дарители» намтсаныл. Мощѣртын тѣн мѣхум тув вōвияныл ос та порат ты вѣнтлум коланыл овыл щѣс суссылтыяныл.

Яныг таквс ѣтпост кит мѣныщи намың-суиң хōтпаг Анфиса Михайловна Хромова ос Юван Николаевич Шесталов урыл суссылтап щѣпитѣгыт. Пѣс ѣргыт ѣлаль тотнѣ нак урыл Хѣлѣўст олнѣ нѣ Любовь Васильевна Кашлатова ханищтап вѣри тах. Тувыл яныг таквс ѣтпос нилыт хōталт Россия янытыл «Ночь искусств» нампa вѣрмалѣ олы. Хотьют кѣсащи, тув вос ѣхталѣгыт.

Вѣт сѣграпнал ѣтпост музейт нѣпак ловинѣтан колнакѣт мѣхум Николай Михайлович Садомин хансум потранѣ урыл потыртанкве вōвавет. Ты мѣныщи ойка олмет «Паща рума!» щѣнѣ лѣтңыл ѣмас потыр хансыс. Ос «Лўимѣ сѣрипос» газетан лѣххалыт кѣтыглас.

Ань пуссын вѣрнутыт сака пўмщит, тѣнаныл сунсуңкве, потрыт хўнтлуңкве ты коланылн щалтсуңкве тах вōвавѣн.

**Тамара
МЕРОВА**



«Төрүм Маа» музейт рўпитан хōтпат, 2017 тѣл.

Лўимѣ сѣрипос

(Северная заря)
№18 (1204), 26.09.2019
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора –
Кондина Г.Р.
Телефон (3467) 33-22-72

Заместитель гл.редактора –
Кондина Г.Р.
Телефон (3467) 33-22-72

Ответственный секретарь –
Уэль В.В.
Телефон (3467) 33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399

Тираж **1710** экз.
Заказ **4093**
Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.